

逆受

服虔曰惡都奴西域之谷名也師古曰逆受迎而受之

單于遣使送到國因

請其罪使者以聞有詔不聽

師古曰不免其罪

會西域諸國王

斬以示之廼造設四條

師古曰更新為此制也

中國人亡入匈奴

者烏孫亡降匈奴者西域諸國佩中國印綬降匈奴者

烏桓降匈奴者皆不得受遣中郎將王駿王昌副校尉

甄阜王尋使匈奴班四條與單于雜函封

師古曰與璽書同一函而

封付單于令奉行因收故宣帝所為約束封函還時莽

奏令中國不得有二名因使使者以風單于

師古曰風讀曰諷

宜上書慕化為一名漢必加厚賞單于從之上書言幸

得備藩臣竊樂太平聖制臣故名囊知牙斯今謹更名